

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Gallia multis modis Lutheranizans sive de contemptu concilii Tridentini in Gallia

**Masius, Hector Gottfried
Lintrup, Søren**

[Hafn.], [1710]

§XXI.

[urn:nbn:de:bsz:31-67575](https://nbn-resolving.org/urn:nbn:de:bsz:31-67575)

mana diocesi & Ecclesia; (hoc enim sonat & significat vocabulum Pontifex, Hebr. *ḥ*. & *ḡ*. c.) alioqui fierent Papæ Capellani.

NB. Duo nota præcipue, Clerum Gallicanum loqui de Pontifice velut de Anti - Christo, allegantes etiam Daniel. 8. ejusque auctoritatem restringere ad terminos Dioceseos Romanæ, eandemque aliis Episcopis vindicare in suis territoriis.

§. XXI.

Quantopere Galli in Concilio Tridentino flagitarint, ut varii abusus & errores e Romana Ecclesia tollerentur, supra me dicere memini. Opportune autem ad manus meas venit liber Gallice scriptus & hoc tempore rarissimus: *Instructions & lettres des Roys tres Chrestiens & autres actes concernant le Concile de Trente, Autore de Puis seu Puteano, ut accepimus.* In quo cum alia, quæ ad historiam Concilii pertinent, memoriæ prodita reperio, tum præsertim dogmata illa, quorum reformationem Galli postulabant. Erant autem sequentes articuli: *de Communione sub utraque specie, de castibus Clericorum, de invocatione sanctorum, de cultu divino in lingua vernacula peragendo, de Missæ sacrificio &c.*

Ipsa Auctoris verba apponam, *Pag. 368. sequ.* petitiones Caroli IX. Galliarum Regis nomine factas ab illustrissimis oratoribus in Concilio Tridentino. *num. 17.* In missis parochialibus Evangelium aperte, & dilucide & pro populi captu copiose in suggestu exponatur: quo in loco, quæ præeunte Plebano a populo fiunt preces, lingua fiant vernacula: peracto autem sacrificio latine, & mysticis precibus lingua etiam vernacula publice ad Deum fiant orationes: eo autem tempore & aliis stasis horis cantari poterunt pia & spiritualia cantica vel psalmi Davidici, prius ab Episcopo diligenter examinati, si id e re suæ Ecclesiæ esse censebit Episcopus.

18. Antiquum illud Leonis & Gelasii decretum de communionem sub utraque specie renovetur.

29. Cum nostris temporibus exorti sint Iconomachi, qui imagines ever- tendas censent, & maximæ perturbationes plurimis in locis ex eo sint ex- citatæ, provideat sancta Synodus, ut doceatur populus, quid de cultu ima- ginum sit sentiendum, curetque, ut si quæ in eis colendis irrepererunt super- stitiones & abusus, tollantur; quod ipsum quoque provideat in indulgenti- is, peregrinationibus, reliquiis Sanctorum & iis sodalitatibus, quas vocant fraternitates.

Pag. 266. articuli de sacrificio missæ per Theologos examinandi: (1) An missa sit sola commemoratio sacrificii in cruce peracti, non autem verum sacrificium? (2) An sacrificio in cruce peracto deroget sacrificium missæ? (3) An illis verbis: hoc facite in mei commemorationem, ordinaverit Chris- tus, ut Apostoli offerrent corpus & sanguinem suum in Missa? (4) An sacrificium, quod in missa fit, profit solum sumenti, non possit autem of- ferri pro aliis, tam vivis quam defunctis, nec pro ipsorum peccatis, satisfac- tionibus, & aliis necessitatibus? (5) An missæ privatæ, in quibus solus Sa- cerdos & non alii communicant, illicitæ sint & abrogandæ? (6) An quod in missa aqua cum vino admisceatur, cum Domini institutione pugnet? (7) An canon missæ errores contineat, sitque abrogandus? (8) An Ec- clesiæ Romanæ ritus, quo secreto & submissa voce verba consecrationis proferunt, damnandus sit? (9) An missa non nisi in lingua vulgari, quam omnes intelligant, celebrari debeat? (10) An abusus sit certas missas certis Sanctis attribuere? (11) An cerimonæ, vestes, insignia externa, quibus Ecclesia in celebratione Missarum utitur, sint tollenda? (12) An Dominum pro nobis mystice immolari, idem sit, quod nobis ad manducandum dari? (13) An missa sit sacrificium laudis, & gratiarum actionis. An etiam Sa- crificium propitiatorium tam pro vivis, quam defunctis? Dicant an erro- nei vel falsi aut hæretici sint, & a sancta Synodo damnandi.

§. XXII.

Sed nihil omnino Oratores Galliæ impetrarunt, quod Ita- lorum auctoritate & Pontificis nutu omnia gererentur, non rationibus & Scripturæ fundamentis, qua de re juvat adscribe- re Epistolam Legati Gallici ad Regem datam, quæ in eodem libro